

אל-תבטחו בנדיבים--
בבן-אדם שאין לו תשועה
תצא רוחו ישב לאדמתו
ביום ההוא אבדו עשתנתיו... (תהילים קמו' 3-4)

חדלו לכם מן-האדם
אשר נשמה באפו
כי-במה נחשב הוא... (ישעיה ב' 22)
משפטי-יהוה אמת צדקו יחדו... (תהילים יט' 10)

הנני אליך גוג--נשיא ראש משד ותבל
ושובבתיך ונתתי חחים בלחיך
והוצאתי אותך ואת-כל-חילך סוסים ופרשים
לבשי מכלול כלם--קהל רב
צנה ומגן תפשי חרבות כלם
פרס כוש ופוט אתם
כלם מגן וכובע
גמר וכל-אגפיה--בית תוגרמה ירפתי צפון
ואת-כל-אגפיו עמים רבים אתך

הפן והכנ לך--אתה וכל-קהלך הנקהלים עליך
והיית להם למשמר מעמים רבים תפקד--
באחרית השנים תבוא אל-ארץ משובבת מחרב
מקבצת מעמים רבים
על הרי ישראל אשר-היו לחרבה תמיד
והיא מעמים הוצאה
וישבו לבטח כלם

ועלית פשאה תבוא כענן לכסות הארץ תהיה--אתה
וכל-אגפיד ועמים רבים אותך... (יחזקאל לח' 9-3)

כרחם אב על-בנים--רחם יהוה על-יראיו
כי-הוא ידע יצרנו
זכור כי-עפר אנחנו

אנוש כחציר ימיו
כציץ השדה פן יציץ
כי רוח עברה-בו ואיננו
ולא-יפירנו עוד מקומו

וחסד יהוה מעולם ועד-עולם--על-יראיו
וצדקתו לבני בנים
לשמרי בריתו
ולזכרי פקדיו לעשותם... (תהילים קג' 13-18)

אשרי--שאל יעקב בעזרו שברו על-יהוה אלהיו... (תהילים קמו' 5)